

忘失法自性空恒住捨性恒住捨性自性空是無忘失法自性即非自性是恒住捨性自性亦非自性若非自性即是精進波羅蜜多於此精進波羅蜜多無忘失法不可得彼淨不淨亦不可得恒住捨性不可得彼淨不淨亦不可得所以者何此中尚無無忘失法等

可得何況有彼淨與不淨汝若能修如是精進是修精進波羅蜜多憍尸迦是善男子善女人等作此等說是爲宣說真正精進波羅蜜多

大般若波羅蜜多經卷第一百五十四 張四

大般若波羅蜜多經卷第一百五十五 張五

唐三藏法師 玄奘奉 詔譯

初分校量功德品第三十之五十三
後次憍尸迦若善男子善女人等爲發無上菩提心者宜說精進波羅蜜多作如是言汝善男子應修精進波羅蜜多不應觀一切智

張五

若常若無常不應觀道相智一切相智若常若無常何以故一切智一切智自性空道相智一切相智道相智一切相智自性空是一切智自性即非自性是道相智一切相智自性亦非自性若非自性即是精進波羅蜜多於此精進波羅蜜多一切智不可得彼常無

常亦不可得道相智一切相智皆不可得彼常無常亦不可得所以者何此中尚無一切智等可得何況有彼常與無常汝若能修如是精進是修精進波羅蜜多復作是言汝善男子應修精進波羅蜜多不應觀一切相智若樂若苦不應觀道相智一切相智若樂若苦

何以故一切智一切智自性空道相智一切相智道相智一切相智自性空是一切智自性即非自性是道相智一切相智自性亦非自性若非自性即是精進波羅蜜多於此精進波羅蜜多一切智不可得彼樂與苦亦不可得道相智一切相智皆不可得彼樂與苦

亦不可得所以者何此中尚無一切智等可得何況有彼樂之與苦汝若能修如是精進是修精進波羅蜜多復作是言汝善男子應修精進波羅蜜多不應觀一切智若我若無我不應觀道相智一切相智若我若無我何以故一切智一切智自性空道相智一切相

智道相智一切相智自性空是一切智自性即非自性是道相智一切相智自性亦非自性若非自性即是精進波羅蜜多於此精進波羅蜜多一切智不可得彼我無我亦不可得道相智一切相智皆不可得彼我無我亦不可得所以者何此中尚無一切智等可得

何況有彼我與無我汝若能修如是精進是修精進波羅蜜多復作是言汝善男子應修精進波羅蜜多不應觀一切智若淨若不淨不應觀道相智一切相智若淨若不淨何以故一切智一切智自性空道相智一切相智道相智一切相智自性空是一切智自性即

張五

二

非自性是道相智一切相智自性亦非自性若非自性即是精進波羅蜜多於此精進波羅蜜多一切智不可得彼淨不淨亦不可得道相智一切相智皆不可得彼淨不淨亦不可得所以者何此中尚無一切智等可得何況有彼淨與不淨汝若能修如是精進是修

精進波羅蜜多憍尸迦是善男子善女人等作此等說是為宣說真正精進波羅蜜多復次憍尸迦若善男子善女人等為發無上菩提心者宜說精進波羅蜜多作如是言汝善男子應修精進波羅蜜多不應觀一切陀羅尼門若常若無常不應觀一切三摩地門若

常若無常何以故一切陀羅尼門一切陀羅尼門自性空一切三摩地門一切三摩地門自性空是一切陀羅尼門自性即非自性是一切三摩地門自性亦非自性若非自性即是精進波羅蜜多於此精進波羅蜜多一切陀羅尼門不可得彼常無常亦不可得一切

三摩地門不可得彼常無常亦不可得所以者何此中尚無一切陀羅尼門等可得何況有彼常與無常汝若能修如是精進是修精進波羅蜜多復作是言汝善男子應修精進波羅蜜多不應觀一切陀羅尼門若樂若苦不應觀一切三摩地門若樂若苦何以故一

張五

三

切陀羅尼門一切陀羅尼門自性空一切三摩地門一切三摩地門自性空是一切陀羅尼門自性即非自性是一切三摩地門自性亦非自性若非自性即是精進波羅蜜多於此精進波羅蜜多一切陀羅尼門不可得彼樂與苦亦不可得一切三摩地門不可得彼

樂與苦亦不可得所以者何此中尚無一切陀羅尼門等可得何況有彼樂之與苦汝若能修如是精進是修精進波羅蜜多復作是言汝善男子應修精進波羅蜜多不應觀一切陀羅尼門若我若無我不應觀一切三摩地門若我若無我何以故一切陀羅尼門一

切陀羅尼門自性空一切三摩地門一切三摩地門自性空是一切陀羅尼門自性即非自性是一切三摩地門自性亦非自性若非自性即是精進波羅蜜多於此精進波羅蜜多一切陀羅尼門不可得彼我無我亦不可得一切三摩地門不可得彼我無我亦不可

得所以者何此中尚無一切陀羅尼門等可得何況有彼我與無我汝若能修如是精進是修精進波羅蜜多復作是言汝善男子應修精進波羅蜜多不應觀一切陀羅尼門若淨若不淨不應觀一切三摩地門若淨若不淨何以故一切陀羅尼門一切陀羅尼門自

性空一切三摩地門一切三摩地門自性空是一切陀羅尼門自性即非自性是一切三摩地門自性亦非自性若非自性即是精進波羅蜜多於此精進波羅蜜多一切陀羅尼門不可得彼淨不淨亦不可得一切三摩地門不可得彼淨不淨亦不可得所以者何此

中尚無一切陀羅尼門等可得何況有彼淨
與不淨汝若能修如是精進是修精進波羅
蜜多憍尸迦是善男子善女人等作此等說
是為宣說真正精進波羅蜜多復次憍尸迦
若善男子善女人等為發無上菩提心者宣
說精進波羅蜜多作如是言汝善男子應修

張五

四

精進波羅蜜多不應觀預流向預流果若常
若無常不應觀一來向一來果不還向不還
果阿羅漢向阿羅漢果若常若無常何以故
預流向預流果預流向預流果自性空一來
向一來果不還向不還果阿羅漢向阿羅漢
果一來向乃至阿羅漢果自性空是預流向

預流果自性即非自性是一來向乃至阿羅
漢果自性亦非自性若非自性即是精進波
羅蜜多於此精進波羅蜜多預流向預流果
不可得彼常無常亦不可得一來向乃至阿
羅漢果皆不可得彼常無常亦不可得所以
者何此中尚無預流向等可得何況有彼常

與無常汝若能修如是精進是修精進波羅
蜜多復作是言汝善男子應修精進波羅蜜
多不應觀預流向預流果若樂若苦不應觀
一來向一來果不還向不還果阿羅漢向阿
羅漢果若樂若苦何以故預流向預流果預
流向預流果自性空一來向一來果不還向

不還果阿羅漢向阿羅漢果一來向乃至阿
羅漢果自性空是預流向預流果自性即非
自性是一來向乃至阿羅漢果自性亦非自
性若非自性即是精進波羅蜜多於此精進
波羅蜜多預流向預流果不可得彼樂與苦
亦不可得一來向乃至阿羅漢果皆不可得

張五

五

彼樂與苦亦不可得所以者何此中尚無預
流向等可得何況有彼樂之與苦汝若能修
如是精進是修精進波羅蜜多復作是言汝
善男子應修精進波羅蜜多不應觀預流向
預流果若我若無我不應觀一來向一來果
不還向不還果阿羅漢向阿羅漢果若我若

無我何以故預流向預流果預流向預流果
自性空一來向一來果不還向不還果阿羅
漢向阿羅漢果一來向乃至阿羅漢果自性
空是預流向預流果自性即非自性是一來
向乃至阿羅漢果自性亦非自性若非自性
即是精進波羅蜜多於此精進波羅蜜多預

流向預流果不可得彼我無我亦不可得一
來向乃至阿羅漢果皆不可得彼我無我亦
不可得所以者何此中尚無預流向等可得
何況有彼我與無我汝若能修如是精進是
修精進波羅蜜多復作是言汝善男子應修
精進波羅蜜多不應觀預流向預流果若淨

若不淨不應觀一來向一來果不還向不還
果阿羅漢向阿羅漢果若淨若不淨何以故
預流向預流果預流向預流果自性空一來
向一來果不還向不還果阿羅漢向阿羅漢
果一來向乃至阿羅漢果自性空是預流向
預流果自性即非自性是一來向乃至阿羅

漢果自性亦非自性若非自性即是精進波
羅蜜多於此精進波羅蜜多預流向預流果
不可得彼淨不淨亦不可得一來向乃至阿
羅漢果皆不可得彼淨不淨亦不可得所以
者何此中尚無預流向等可得何況有彼淨
與不淨汝若能修如是精進是修精進波羅

蜜多憍尸迦是善男子善女人等作此等說
是為宣說真正精進波羅蜜多復次憍尸迦
若善男子善女人等為發無上菩提心者宣
說精進波羅蜜多作如是言汝善男子應修
精進波羅蜜多不應觀一切獨覺菩提若常
若無常何以故一切獨覺菩提一切獨覺菩

張五

六

提自性空是一切獨覺菩提自性即非自性
若非自性即是精進波羅蜜多於此精進波
羅蜜多一切獨覺菩提不可得彼常無常亦
不可得所以者何此中尚無一切獨覺菩提
可得何況有彼常與無常汝若能修如是精
進是修精進波羅蜜多復作是言汝善男子

應修精進波羅蜜多不應觀一切獨覺菩提若樂若苦何以故一切獨覺菩提一切獨覺菩提自性空是一切獨覺菩提自性即非自性若非自性即是精進波羅蜜多於此精進波羅蜜多一切獨覺菩提不可得彼樂與苦亦不可得所以者何此中尚無一切獨覺菩

提可得何況有彼樂之與苦汝若能修如是精進是修精進波羅蜜多復作是言汝善男子應修精進波羅蜜多不應觀一切獨覺菩提若我若無我何以故一切獨覺菩提一切獨覺菩提自性空是一切獨覺菩提自性即非自性若非自性即是精進波羅蜜多於此

精進波羅蜜多一切獨覺菩提不可得彼我無我亦不可得所以者何此中尚無一切獨覺菩提可得何況有彼我與無我汝若能修如是精進是修精進波羅蜜多復作是言汝善男子應修精進波羅蜜多不應觀一切獨覺菩提若淨若不淨何以故一切獨覺菩提

張五

七

一切獨覺菩提自性空是一切獨覺菩提自性即非自性若非自性即是精進波羅蜜多於此精進波羅蜜多一切獨覺菩提不可得彼淨不淨亦不可得所以者何此中尚無一切獨覺菩提可得何況有彼淨與不淨汝若能修如是精進是修精進波羅蜜多憍尸迦

是善男子善女人等作此等說是爲宣說真正精進波羅蜜多復次憍尸迦若善男子善女人等爲發無上菩提心者宣說精進波羅蜜多作如是言汝善男子應修精進波羅蜜多不應觀一切菩薩摩訶薩行若常若無常何以故一切菩薩摩訶薩行一切菩薩摩訶

薩行自性空是一切菩薩摩訶薩行自性即非自性若非自性即是精進波羅蜜多於此精進波羅蜜多一切菩薩摩訶薩行不可得彼常無常亦不可得所以者何此中尚無一切菩薩摩訶薩行可得何況有彼常與無常汝若能修如是精進是修精進波羅蜜多復

作是言汝善男子應修精進波羅蜜多不應觀一切菩薩摩訶薩行若樂若苦何以故一切菩薩摩訶薩行一切菩薩摩訶薩行自性空是一切菩薩摩訶薩行自性即非自性若非自性即是精進波羅蜜多於此精進波羅蜜多一切菩薩摩訶薩行不可得彼樂與苦

亦不可得所以者何此中尚無一切菩薩摩訶薩行可得何況有彼樂之與苦汝若能修如是精進是修精進波羅蜜多復作是言汝善男子應修精進波羅蜜多不應觀一切菩薩摩訶薩行若我若無我何以故一切菩薩摩訶薩行一切菩薩摩訶薩行自性空是一

切菩薩摩訶薩行自性即非自性若非自性即是精進波羅蜜多於此精進波羅蜜多一切菩薩摩訶薩行不可得彼我無我亦不可得所以者何此中尚無一切菩薩摩訶薩行可得何況有彼我與無我汝若能修如是精進是修精進波羅蜜多復作是言汝善男子

張五

八

應修精進波羅蜜多不應觀一切菩薩摩訶薩行若淨若不淨何以故一切菩薩摩訶薩行一切菩薩摩訶薩行自性空是一切菩薩摩訶薩行自性即非自性若非自性即是精進波羅蜜多於此精進波羅蜜多一切菩薩摩訶薩行不可得彼淨不淨亦不可得所以

者何此中尚無一切菩薩摩訶薩行可得何況有彼淨與不淨汝若能修如是精進是修精進波羅蜜多憍尸迦是善男子善女人等作此等說是爲宣說真正精進波羅蜜多復次憍尸迦若善男子善女人等爲發無上菩提心者宣說精進波羅蜜多作如是言汝

善男子應修精進波羅蜜多不應觀諸佛無上正等菩提若常若無常何以故諸佛無上正等菩提諸佛無上正等菩提自性空是諸佛無上正等菩提自性即非自性若非自性即是精進波羅蜜多於此精進波羅蜜多諸佛無上正等菩提不可得彼常無常亦不可

得所以者何此中尚無諸佛無上正等菩提
可得何況有彼常與無常汝若能修如是精
進是修精進波羅蜜多復作是言汝善男子
應修精進波羅蜜多不應觀諸佛無上正等
菩提若樂若苦何以故諸佛無上正等菩提
諸佛無上正等菩提自性空是諸佛無上正

張五

九

等菩提自性即非自性若非自性即是精進
波羅蜜多於此精進波羅蜜多諸佛無上正
等菩提不可得彼樂與苦亦不可得所以者
何此中尚無諸佛無上正等菩提可得何況
有彼樂之與苦汝若能修如是精進是修精
進波羅蜜多復作是言汝善男子應修精進

波羅蜜多不應觀諸佛無上正等菩提若我
若無我何以故諸佛無上正等菩提諸佛無
上正等菩提自性空是諸佛無上正等菩提
自性即非自性若非自性即是精進波羅蜜
多於此精進波羅蜜多諸佛無上正等菩提
不可得彼我無我亦不可得所以者何此中

尚無諸佛無上正等菩提可得何況有彼我
與無我汝若能修如是精進是修精進波羅
蜜多復作是言汝善男子應修精進波羅蜜
多不應觀諸佛無上正等菩提若淨若不淨
何以故諸佛無上正等菩提諸佛無上正等
菩提自性空是諸佛無上正等菩提自性即

非自性若非自性即是精進波羅蜜多於此
精進波羅蜜多諸佛無上正等菩提不可得
彼淨不淨亦不可得所以者何此中尚無諸
佛無上正等菩提可得何況有彼淨與不淨
汝若能修如是精進是修精進波羅蜜多憍
尸迦是善男子善女人等作此等說是為宣

說真正精進波羅蜜多時天帝釋復白佛言
世尊云何諸善男子善女人等說無所得安
忍波羅蜜多名說真正安忍波羅蜜多佛言
憍尸迦若善男子善女人等為發無上菩提
心者宣說安忍波羅蜜多作如是言汝善男
子應修安忍波羅蜜多不應觀色若常若無

常不應觀受想行識若常若無常何以故色
色自性空受想行識受想行識自性空是色
自性即非自性是受想行識自性亦非自性
若非自性即是安忍波羅蜜多於此安忍波
羅蜜多色不可得彼常無常亦不可得受想
行識皆不可得彼常無常亦不可得所以者

張五

十

何此中尚無色等可得何況有彼常與無常
汝若能修如是安忍是修安忍波羅蜜多復
作是言汝善男子應修安忍波羅蜜多不應
觀色若樂若苦不應觀受想行識若樂若苦
何以故色色自性空受想行識受想行識自
性空是色自性即非自性是受想行識自性
亦非自性若非自性即是安忍波羅蜜多於
此安忍波羅蜜多色不可得彼樂與苦亦不
可得受想行識皆不可得彼樂與苦亦不可
得所以者何此中尚無色等可得何況有彼
樂之與苦汝若能修如是安忍是修安忍波
羅蜜多復作是言汝善男子應修安忍波羅

蜜多不應觀色若我若無我不應觀受想行
識若我若無我何以故色色自性空受想行
識受想行識自性空是色自性即非自性是
受想行識自性亦非自性若非自性即是安
忍波羅蜜多於此安忍波羅蜜多色不可得
彼我無我亦不可得受想行識皆不可得彼

我無我亦不可得所以者何此中尚無色等
可得何況有彼我與無我汝若能修如是安
忍是修安忍波羅蜜多復作是言汝善男子
應修安忍波羅蜜多不應觀色若淨若不淨
不應觀受想行識若淨若不淨何以故色色
自性空受想行識受想行識自性空是色自

張五

十

性即非自性是受想行識自性亦非自性若
非自性即是安忍波羅蜜多於此安忍波羅
蜜多色不可得彼淨不淨亦不可得受想行
識皆不可得彼淨不淨亦不可得所以者何
此中尚無色等可得何況有彼淨與不淨汝
若能修如是安忍是修安忍波羅蜜多憍口

迦是善男子善女人等作此等說是為宣說
 真正安忍波羅蜜多復次憍尸迦若善男子
 善女人等為發無上菩提心者宣說安忍波
 羅蜜多作如是言汝善男子應修安忍波羅
 蜜多不應觀眼處若常若無常不應觀耳鼻
 舌身意處若常若無常何以故眼處眼處自

性空耳鼻舌身意處耳鼻舌身意處自性空
 是眼處自性即非自性是耳鼻舌身意處自
 性亦非自性若非自性即是安忍波羅蜜多
 於此安忍波羅蜜多眼處不可得彼常無常
 亦不可得耳鼻舌身意處皆不可得彼常無
 常亦不可得所以者何此中尚無眼處等可

得何況有彼常與無常汝若能修如是安忍
 是修安忍波羅蜜多復作是言汝善男子應
 修安忍波羅蜜多不應觀眼處若樂若苦不
 應觀耳鼻舌身意處若樂若苦何以故眼處
 眼處自性空耳鼻舌身意處耳鼻舌身意處
 自性空是眼處自性即非自性是耳鼻舌身

意處自性亦非自性若非自性即是安忍波
 羅蜜多於此安忍波羅蜜多眼處不可得彼
 樂與苦亦不可得耳鼻舌身意處皆不可得
 彼樂與苦亦不可得所以者何此中尚無眼
 處等可得何況有彼樂之與苦汝若能修如
 是安忍是修安忍波羅蜜多復作是言汝善

男子應修安忍波羅蜜多不應觀眼處若我
 若無我不應觀耳鼻舌身意處若我若無我
 何以故眼處眼處自性空耳鼻舌身意處耳
 鼻舌身意處自性空是眼處自性即非自性
 是耳鼻舌身意處自性亦非自性若非自性
 即是安忍波羅蜜多於此安忍波羅蜜多眼

張五

十二

處不可得彼我無我亦不可得耳鼻舌身意
 處皆不可得彼我無我亦不可得所以者何
 此中尚無眼處等可得何況有彼我與無我
 汝若能修如是安忍是修安忍波羅蜜多復
 作是言汝善男子應修安忍波羅蜜多不應
 觀眼處若淨若不淨不應觀耳鼻舌身意處

若淨若不淨何以故眼處眼處自性空耳鼻
舌身意處耳鼻舌身意處自性空是眼處自
性即非自性是耳鼻舌身意處自性亦非自
性若非自性即是安忍波羅蜜多於此安忍
波羅蜜多眼處不可得彼淨不淨亦不可得
耳鼻舌身意處皆不可得彼淨不淨亦不可

得所以者何此中尚無眼處等可得何況有
彼淨與不淨汝若能修如是安忍是修安忍
波羅蜜多憍尸迦是善男子善女人等作此
等說是為宣說真正安忍波羅蜜多復次憍
尸迦若善男子善女人等為發無上菩提心
者宣說安忍波羅蜜多作如是言汝善男子

應修安忍波羅蜜多不應觀色處若常若無
常不應觀聲香味觸法處若常若無常何以
故色處色處自性空聲香味觸法處聲香味
觸法處自性空是色處自性即非自性是聲
香味觸法處自性亦非自性若非自性即是
安忍波羅蜜多於此安忍波羅蜜多色處不

張五

三

可得彼常無常亦不可得聲香味觸法處皆
不可得彼常無常亦不可得所以者何此中
尚無色處等可得何況有彼常與無常汝若
能修如是安忍是修安忍波羅蜜多復作是
言汝善男子應修安忍波羅蜜多不應觀色
處若樂若苦不應觀聲香味觸法處若樂若

苦何以故色處色處自性空聲香味觸法處
聲香味觸法處自性空是色處自性即非自
性是聲香味觸法處自性亦非自性若非自
性即是安忍波羅蜜多於此安忍波羅蜜多
色處不可得彼樂與苦亦不可得聲香味觸
法處皆不可得彼樂與苦亦不可得所以者

何此中尚無色處等可得何況有彼樂之與
苦汝若能修如是安忍是修安忍波羅蜜多
復作是言汝善男子應修安忍波羅蜜多不
應觀色處若我若無我不應觀聲香味觸法
處若我若無我何以故色處色處自性空聲
香味觸法處聲香味觸法處自性空是色處

自性即非自性是聲香味觸法處自性亦非自性若非自性即是安忍波羅蜜多於此安忍波羅蜜多色處不可得彼我無我亦不可得聲香味觸法處皆不可得彼我無我亦不可得所以者何此中尚無色處等可得何況有彼我與無我汝若能修如是安忍是修安

忍波羅蜜多復作是言汝善男子應修安忍波羅蜜多不應觀色處若淨若不淨不應觀聲香味觸法處若淨若不淨何以故色處色處自性空聲香味觸法處聲香味觸法處自性空是色處自性即非自性是聲香味觸法處自性亦非自性若非自性即是安忍波羅

蜜多於此安忍波羅蜜多色處不可得彼淨不淨亦不可得聲香味觸法處皆不可得彼淨不淨亦不可得所以者何此中尚無色處等可得何況有彼淨與不淨汝若能修如是安忍是修安忍波羅蜜多憍尸迦是善男子善女人等作此等說是為宣說真正安忍波

羅蜜多

十四

大般若波羅蜜多經卷第一百五十五 張五

大般若波羅蜜多經卷第一百五十六 張六

大唐三藏法師 玄奘奉 詔譯

初分校量功德品第三十之五十四

復次憍尸迦若善男子善女人等為發無上善提心者宣說安忍波羅蜜多作如是言汝善男子應修安忍波羅蜜多不應觀眼界若

手文

常若無常不應觀色眼界眼識界及眼觸眼觸為緣所生諸受若常若無常何以故眼界眼界自性空色眼界眼識界及眼觸眼觸為緣所生諸受色界乃至眼觸為緣所生諸受自性空是眼界自性即非自性是色界乃至眼觸為緣所生諸受自性亦非自性若非自性即